

յիշատակ: Տացէ և զանձն իւր աւրինակ բարեաց ձեզ ամենեցուն՝ սրբութեամբ, արդարութեամբ, հնազանդութեամբ, խոնարհութեամբ, և յամենայն գործս առաքինութեան, առնելով ինքն և ապա ուսուցանել ձեզ առնել: Պահնացէ զանձն իւր անբանբաս առ մարդիք և անդատապարտ առ Աստուած: Կայցի առաքելարար իշխանութիւն ի վերա ձեր՝ կայելոյ և արձակելոյ ի յերկինս և ի յերկրի: զմեղուցեալսն և զամբաստամբեալսն յաւրինացն Աստուծոյ և ի կանոնաց սուրբ եկեղեցւոյ և զհակառակաւզսն՝ իրաւամբ խրատել, սաստել, կշտամբել և յանդիմանել զմեղս, մինչև զղջացին և ցուցանեն պտուղս ապաշխարութեան և հնազանդութեան, մինչև դարձցի ի շարէ: — Կոչնացէ զարժանաւորսն բազում քննութեամբ ի կարգ և յաստիճան կիսասարկավագութեան, սարկաւարգութեան և քահանայութեան, ի սպասաւորութիւն աստուածային խորհրդոյն, և ի տեսչութիւն ժողովրդեանդ: Եւ ի վերա այսր ամենայնի լիցի այցելու որբոց և այրեաց, աղքատաց և կարաւտելոց. ամենեցուն լիցի կարէկից սիրովն Քրիստոսի: Պահնացէ հաւատարմութեամբ և արդեամբք հնազանդութիւն առ սուրբ աթոռս, (ինքն) և յայլորդք իւր: — Որով և դուք ամենեքեան՝ հոգեւոր որդիք մեր առ հասարակ ի Քրիստոս, զաստուածապատիւ և զառաքելաշնորհ սրբազան արքիպիսկոպոսդ ձեր ըզՏէր Գրիգորդ՝ զիմ սիրելի որդեակդ, յոյժ սիրով և մեծապատուով ընկալարուք, որպէս քաջ սիրելի որդի մեր, և հրեշտակ Աստուծոյ, և որպէս առաքելական այր, ի դրանէ սուրբ աթոռոյս առ ձեզ առաքած. և ամենայն հոգեւորական խրատու դորա որ ի շահ և յաւգուտ լիցի ողոց ձեր, հնազանդութեամբ ունկնդիր լերուք, որպէս իմոյ անձինս, սիրով Հոգւոյն Սրբոյ:

Այլ և զամենայն կանոնեալ հաս և զիրաւունս աթոռոյ, զհաս տանց քահանայից և զընտանեաց նոցա, և զերախայրիս կալոց և հնծանաց, գորբանուէրան և զտեսառնականան, և զիրաւունս մատղաց կարգաւորաց, յանկարծամահից և կենդանեաց, և զայլ ամենայն իրաւունս կենաց և մահու, անթերի և առանց տրտնջման, զուարթ և առատ սրտով տուք ի ձեռն դորա: Եւ մի ոք իշխեսցէ հակառակիլ կամ դիմադարձ լիցի սմա և հրամանիս մեր, կամ յայլազգի մատնել, կամ խորել յիրաւանց. և մի ոք իշխեսցէ ի քահանայից՝ հակառակ լինել այսմն հրամանի, և կամ այլ եպիսկոպոսի բարէկամ լինել, և կամ հակառակ դմա. զի որ ոք լիցի, մեր հայրապետութեան հրամանաւ՝ նայ ի կարգէ լուծել ենք և բանադրել. և զարձակումն՝ ի Տէր Գրիգորէ առցէ, նոյն և թէ աշխարհական լինի. զի որ զայս արասցէ՝ կրեսցէ անիծիւք զպատիժն Կորինս և Գաղանա, զԿայէնի և զՅուդայի. և հնազանդեալքդ՝ արհնեալ եղիցին: Որով աւրհնեալքդ ի յարքեպիսկոպոսէդ ձեր ի Տէր Գրիգորէդ՝ արհնեալ եղիցիք յԱստուծոյ և ի մէնջ. կայեալքն և աւրոշեալքն՝ ի նմին մնացեն, և մինչև հնազանդութեամբ զըղջացին: — Վասն որոյ ի մտանել գորա և զբավորական աւրհնութեան հրամանիս մեր առ ձեզ, իջցէ և շնորհք ողորմութեան Աստուծոյ յերկնից ի